

Ո Ր Ո Շ ՈՒ Մ

Ճանապարհային ոստիկանության. վարչական տույժ նշանակելու մասին 03.08.2018թ. թիվ 1808414530 որոշումն անփոփոխ, իսկ վարչական բողոքն առանց բավարարման թողնելու մասին

<<06>> 09 2018թ. 17-13-98054-18/13-13-10203

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Նորիկ Զավադյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Նանսենի փողոցի 18/1 շենքի 21 բնակարանի բնակիչ Նորիկ Զավադյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին թիվ 1808414530, 1808180409 և 1807992300 որոշումներին՝ նշելով, որ կանգառ է կատարել 1 րոպե մի քանի վայրկյան ժամանակով:

Դիմումի քննարկման արդյունքում պարզվել է, որ դիմումատուի փաստարկը վարչական ակտը բեկանելու հիմք չի կարող հանդիսանալ՝ հետևյալ պատճառաբանությամբ.

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին 03.08.2018թ. թիվ 1808414530 որոշումն օրինական է և հիմնավոր, քանի որ իրավախախտումն ամրագրած տեսանյութի լրացուցիչ ուսումնասիրությունից պարզվել է, որ 15.07.2018թ. ժամը՝ 00:02-ին դիմումատուի տրանսպորտային միջոցը Երևան քաղաքի Աբովյան - Արամի փողոցների խաչմերուկի հատվածում տեղակայված է ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշմամբ սահմանված՝ 3.27 <<Կանգառն արգելվում է>> ճանապարհային նշանի ազդման գոտում:

Միաժամանակ դիմումի շարադրանքից հետևում է, որ դիմումատուն ամբողջությամբ չի ուսումնասիրել վարչական տույժ նշանակելու մասին որոշումը, քանի որ Ճանապարհային ոստիկանության վարչական տույժ նշանակելու մասին 03.08.2018թ. թիվ 1808414530 որոշմամբ՝ վերջինս վարչական պատասխանատվության է ենթարկվել ոչ թե Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասով, այլ **124-րդ հոդվածի 1-ին մասով**, իսկ Վարչական իրավախախտումների վերաբերյալ ՀՀ օրենսգրքի 124-րդ հոդվածի 39-րդ մասի համաձայն՝ Սույն հոդվածի **21-րդ և 25-րդ մասերով** (միայն կանգառ կատարելու մասով) նախատեսված վարչական իրավախախտումն ունի նվազ նշանակություն այն դեպքում, երբ կանգառը կատարվել է միայն ուղևորների նստելու կամ իջնելու նպատակով, չի գերազանցել մեկ րոպե ժամանակահատվածը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել:

Ինչ վերաբերվում է թիվ 1807992300 և 1808180409 որոշումներին, ապա դիմումատուի կողմից բաց է թողնվել Վարչական իրավախախտումների վերաբերյալ ՀՀ օրենսգրքի 288-րդ

հողվածով նախատեսված՝ վերը նշված որոշումների դեմ գանգատ տալու 30-օրյա ժամկետը, ուստի դիմումը տվյալ որոշումների մասով քննարկման ենթակա չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 03.08.2018թ. թիվ 1808414530 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Նորիկ Զավադյանին:

Կատարող՝ Ա.Միրզոյան



Ե.Կարապետյան